

ascensionem, ex Sion et Jerusalem cepit regnare in omnes gentes, easque per Apostolos suæ fidei et cultui subijcere, donec omnes inimicos suos, id est omnes impios et improbos calcet et conterat in die iudicii.

DONEC PONAM INIMICOS TUOS SCABELLUM PEDUM TUORUM. — *g. d.* Regna tecum in omni gloria, usque ad diem iudicii, quando omnes inimicos, id est impios, tibi plane subijciam, ut eis quasi mancipiis domineris, imo eos calcas quasi scabellum pedum tuorum, quod signum est infimæ et vilissimæ servitutis. Unde Sapor, rex Persarum, Aurelianus Imperatorem a se bello captum fecit sibi scabellum: ascensuro enim in equum, Aurelianus dorsum suum, quasi scabellum per quod in equum conscenderet, Satori præbere debebat. Idem fecit Tamberlanus, Tartarorum Imperator, Bajazeti, Imperatori Turcarum, cum eum prælo vicisset et cepisset.

Tæ ergo « donec, » non significat finem, sed continuationem et amplificationem sessionis et regni, *g. d.* Regna tecum etiam, donec inimicos tuos tuis supponam pedibus, etiam tempore, quod tuo regno videtur oppositum et contrarium, etiam quando illi videbuntur regnare, etiam

antequam hostes tuos tuis pedibus substernam, tuoque libito subijciam, diabolo, morte, impiis, peccatis funditus eversis et extripatis. Nempe inter medias cruces, persecutiones, impietates, motus et turbas Satane ac ministrorum ejus regna: nam de alio tempore non est dubium, quin regnet Christus. Ita Genebrardus. Sic sumitur « donec » *Matth. i.*, vers. ult., et alibi. Addit hoc Christus, ut tacite perstringat Phariseos suos inimicos, *g. d.* Vos, o Pharisei, me persequimini, imo me occiditis et crucifigitis, sed scitote quod tertia die resurgam, et quadragesima die ascendam in cælum, indeque iudex omnium hominum redibo, ac vos ceterosque infideles et impios inimicos meos condemnabo, calcabo et deprimam in tartara.

46. ET NEMO POTERAT EI RESPONDERE (SYTUS, *rationem reddere*) VERBUM (quia, ut dixi, credebant Messiam merum fore hominem), NEQUE ABSUS FUIT XII, 24. « Conticuerunt igitur, ait S. Chrysostomus, lethali vulnere perfossi. » « Maluerunt enim, inquit S. Augustinus in *Psal. cix.* 1 et 2, inlata tacuitate dirumpi, quam humili confessione edoceri. »

CAPUT VIGESIMUM TERTIUM.

SYNOPSIS CAPITIS.

Christus primo jubet Judæis, ut Scribarum et Phariseorum doctrinam sequantur, sed non vitam et mores, ut ipse improbos, inhumanos, jactabundos et arrogantes. Secundo, vers. 13, vna malitiosorum eis intentat, ob eorum hypocritarum, avaritiam, superstitionem atque scelera quæ recenset. Tertio, vers. 32, prædicat ab eis occidendos suos fideles et Apostolos; ideoque Hierosolymam et Judæam extremam per Romanos excidium intentat.

Videtur hoc esse ultimum et cygnæm Christi oraculum, quo crucem et mortem sibi instantem præsigit, timo parat et ambit. Hac enim acri et libera vitiorum castigatione, adeo offendit Scribas et Phariseos, ut non jam verba, sed verbera ei pararent: unde post tres dies (hæc omnia enim acta et dicta sunt a Christo die martis post Dominicam Palmarum, ut dixi in Chronotaxi) eum ceperunt et crucifixerunt. Prævidebat hoc Christus, sed eorum malitia parcere noluit, nec debuit, sed eam acriter reprehendit, utpote legislator et morum censor a Deo in mundum missus, etiamsi sciret se propterea ab eis occidendum, quia mortem hanc pro salute hominum Deo Patri offerre desiderabat, ut hac ratione intra Dei providentia, quæ decreverat homines per Christi crucem salvare, in ipso et per ipsum impleteretur. Christi libertatem imitatus est S. Stephanus, qui acri sua reprehensione viam sibi stravit ad martyrium adeo exoptatum, Actor. vii.

1. Tunc Jesus locutus est ad turbas et ad discipulos suos, 2. dicens: Super cathedram Moysi sederunt Scribæ et Pharisei. 3. Omnia ergo quæcumque dixerint vobis, servate et facite: secundum opera vero eorum nolite facere; dicunt enim, et non faciunt. 4. Alligant enim onera gravia et importabilia, et imponunt in humeros hominum: digito autem nolunt ea movere. 5. Omnia vero opera sua faciunt ut videantur ab hominibus; dilatant enim phylacteria sua, et magnificant fimbrias. 6. Amant autem primos recubitus in œenis, et primas cathedras in synagogis, 7. et salutationes in foro, et vocari ab hominibus

Rabbi. 8. Vos autem nolite vocari Rabbi; unus est enim Magister vester, omnes autem vos fratres estis. 9. Et patrem nolite vocare vobis super terram; unus est enim Pater vester, qui in cælis est. 10. Nec vocemini magistri, quia magister vester unus est, Christus. 11. Qui major est vestrum, erit minister vester. 12. Qui autem se exaltaverit, humiliabitur; et qui se humiliaverit, exaltabitur. 13. Væ autem vobis, Scribæ et Pharisei hypocritæ, qui clauditis regnum cælorum ante homines; vos enim non intratis, nec introeuntes sinitis intrare. 14. Væ vobis, Scribæ et Pharisei hypocritæ, quia comeditis domos viduarum, orationes longas orantes: propter hoc amplius accipietis iudicium. 15. Væ vobis, Scribæ et Pharisei hypocritæ, quia circuitis mare et aridam, ut faciatis unum proselytum; et cum fuerit factus, facitis eum filium gehennæ duplo quam vos. 16. Væ vobis, duces cæci, qui dicitis: Quicumque juraverit per templum, nihil est; qui autem juraverit in auro templi, debet. 17. Stulti et cæci: quid enim majus est, aurum, an templum quod sanctificat aurum? 18. Et quicumque juraverit in altari, nihil est; quicumque autem juraverit in dono, quod est super illud, debet. 19. Cæci: quid enim majus est, donum, an altare quod sanctificat donum? 20. Qui ergo jurat in altari, jurat in eo et in omnibus quæ super illud sunt. 21. Et quicumque juraverit in templo, jurat in illo et in eo qui habitat in ipso; 22. et qui jurat in cælo, jurat in throno Dei et in eo qui sedet super eum. 23. Væ vobis, Scribæ et Pharisei hypocritæ, qui decimatis mentham, et anethum, et cymimum, et reliquistis quæ graviora sunt legis, iudicium, et misericordiam, et fidem: hæc oportuit facere, et illa non omittere. 24. Duces cæci, excolantes culicem, camelum autem glutientes. 25. Væ vobis, Scribæ et Pharisei hypocritæ, quia mundatis quod deforis est calicis et paropsidis, intus autem pleni estis rapina et immunditia. 26. Phariseæ cæce, munda prius quod intus est calicis et paropsidis, ut fiat id, quod deforis est, mundum. 27. Væ vobis, Scribæ et Pharisei hypocritæ, quia similes estis sepulcris dealbatis, quæ aforis parent hominibus speciosa, intus vero plena sunt ossibus mortuorum et omni spurcitia. 28. Sic et vos aforis quidem paretis hominibus justis, intus autem pleni estis hypocritæ et iniquitate. 29. Væ vobis, Scribæ et Pharisei hypocritæ, qui edificatis sepulcra Prophetarum, et ornatis monumenta justorum. 30. Et dicitis: Si fuissetis in diebus patrum nostrorum, non essemus socii eorum in sanguine Prophetarum. 31. Itaque testimonio estis vobismetipsis, quia filii estis eorum qui Prophetas occiderunt. 32. Et vos implete mensuram patrum vestrorum. 33. Serpentes, genimina viperarum, quomodo fugietis a iudicio gehennæ? 34. Ideo ecce ego mitto ad vos Prophetas, et sapientes, et scribas, et ex illis occiditis, et crucifigitis, et ex eis flagellabitis in synagogis vestris, et persequimini de civitate in civitatem: 35. ut veniat super vos omnis sanguis justus qui effusus est super terram; a sanguine Abel justis, usque ad sanguinem Zachariæ, filii Barachia, quem occidistis inter templum et altare. 36. Amen dico vobis, venient hæc omnia super generationem istam. 37. Jerusalem, Jerusalem, quæ occidis Prophetas, et lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas, et noluit? 38. Ecce relinquetur vobis domus vestra deserta. 39. Dico enim vobis, non me videbitis amodo, donec dicatis: Benedictus, qui venit in nomine Domini.

1. TUNC JESUS LOCUTUS EST AD TURBAS ET AD DISCIPULOS SUOS. — « Tunc, » scilicet, cum suis sapientissimis responsonibus, questionibus et parationibus jam sapiens confutasset Scribarum et Phariseorum errores et ignorantiam, etisque multos probasset se esse Messiam, Dei Filium, etiam per miracula, ac carneret Scribas iis adeo non moveri ad fidem in ipsum, ut potius irritarentur magis ad eum perdendum; « tunc, » inquam, effrontem eorum pervicaciam hæc efficaci et pathetica oratione contudit, quæ externam et fictam sanetitiam eorum larvam, ne populus eam imitetur, detegit, ac latentem sub ea improbitatem ostendit, ut eam plebs devitet.

ter, est Christus, cujus ceteri omnes sunt discipuli, inter se pares quasi fratres: nemo ergo eorum se superbe praeter ceteris extollat, arroganterque velit vocari Rabbi, quasi ex se sit doctor et magister aliorum: hoc enim est injurium Christo, qui solus ex se habet omnem scientiam, solusque summus omnium doctor, ipsos etiam doctores constituens et docens; si enim natura...

9. ET PATREM NOLITE VOCARE VOBIS SUPER TERRAM: UNUS ENIM EST PATER VESTER, QUI EST IN COELIS. — Transit a magistro ad patrem, quia vers. praeced. dixit omnes nos esse fratres, scilicet filios ejusdem Dei Patris. Ait ergo: Nolite vocare vobis super terram « Patrem, » scilicet quasi praecipuum vitae auctorem, alimentorum et hereditatis curatorem, ita ut ab eo toti pendeatis, vel certe tam ab eo quam a Deo; uti faciunt Gentiles et athei alique, non Deo, sed hominibus fidentes. Hunc esse sensum patet ex ratione quam subjicit: « Unus est enim Pater vester, qui est in caelis, » a quo omnis paternitas nominatur in caelo et in terra, » Ephes. iii, 14. Vide ibi dicta. Deus ergo solus vere et plene est pater omnium, utpote qui solus animam et vitam singulis aspirat, creat, conservat, auget, cujus comparatione patres terreni abusive, ait S. Hieronymus, et umbratice duntaxat sunt patres, ideoque filiis insolenter imperare non debent, sed se cum filiis humiliter Deo summo, omnium Patri, submittere: « Non enim, ait S. Chrysostomus, initium vitae habemus ex parentibus, sed transitum vitae per eos accipimus. »

10. NEC VOCEMINI (NE AMBIATIS VOCARI) MAGISTRI (Graece κυβερνῆται, id est institutores, magistri, gubernatores, moderatores; Syrus, rectores; Arabicus, gubernatores.) QUIA MAGISTER (Graece μαθηταί, id est vici et vitae institutor, dux et gubernator; Syrus, rector; Arabicus, gubernator) VESTER UNUS EST, CHRISTUS. — Ipse enim, primo, per se nos docet, praet et ducit per viam virtutis ad caelum, felicitatem et gloriam; ceteri vero docent prius ab ipso edocti. Secundo, ceteri docendo tantum verba et voces exterius auribus insonant, velut cymbalum tintiens; sed Christus eorum sensa interius mentibus pandit, easque luce doctrinae suae illuminat: Non enim homo intellectum homini praestat docendo, ait S. Chrysostomus, sed a Deo praestitum per admonitionem exercet. Tertio, ceteri tantum ostendunt quid lex jubeat, quidque Deus a nobis exigit; at Christus gratiam voluntati inserit, ut illa quae agenda sunt audientes, reipsa fortiter et constanter opere adimpleamus.

Hac de re S. Augustinus scripsit librum De Magistro, de quo ipse, lib. III Confess., cap. II:

« Sub istem tempus, ait, scripsi librum De Magistro, in quo disputatur, queritur et invenitur magistrum non esse qui docet hominem scientiam, nisi Deum, secundum illud quod in Evangelio scriptum est: Unus est magister vester, Christus. » Unde, cap. xi, id ipsum sic demonstrat: « De universis, ait, quae intelligimus, non loquentem qui personat foris, sed intus ipsi menti praesidentem consulimus veritatem, verbis fortasse, ut consulamus, admoniti. Ille autem qui consultitur, docet, qui in interiore homine habitare dictus est Christus, id est incommutabilis Dei virtus, atque sempiterna sapientia: quam quidem omnis rationalis anima consulit, sed tantum cuique panditur, quantum capere propter propriam, sive malam, sive bonam voluntatem potest. »

11. QUI MAJOR EST VESTRUM, ERIT MINISTER VESTER. — Syrus, fiat minister in vobis. a Morbum inanis gloriae, ait S. Chrysostomus, quem fugiendum esse dixerat, docet per humilitatem esse fugiendum. » Et Origenes: « Si quis, ait, ministrat verba divina, sciens quia Christus in eo fructificat, nequaquam se magistrum, sed ministrum proficitur; unde sequitur: Qui major est vestrum, etc., quoniam et ipse Christus, cum esset vere magister, ministrum se esse professus est, dicens: Ego sum in medio vestrum quasi qui ministrat; bene autem post omnia, quibus vanae gloriae vetavit concupiscentiam, addidit dicens: Qui autem se exaltaverit, humiliabitur; et qui se humiliaverit, exaltabitur. »

ERIT MINISTER. — Praevient, ait Glossa, obsequendo, non superbe dominando: rectorem et matrem exhibeat pietas, et patrem disciplina; cavendumque ne aut districtio rigida, aut pietas sit remissa.

12. QUI AUTEM SE EXALTAVERIT, HUMILIABITUR; ET QUI SE HUMILIABERIT, EXALTABITUR. — Syrus: Quicumque effereit seipsum, deprimetur; et qui seipsum depresserit, efferebitur, apud Deum, ait Remigius, etiam apud homines: hi enim humiles extollunt, superbos humiliant. « Gloria enim sequitur fugientes, sequentes fugit. » « Insolentiam, ait S. Hilarius, Deus humilem effecturus est, et humilitatem elaturus in gloriam. » Vide dicta Jacobi i, 9, et I Petri v, 3 et 6. Praxim hujus axiomatis Christi ostendit humilis Evangelii discipulus, imo doctor S. Franciscus, per omnes vitae suae actiones, ut ostendit S. Bonaventura in ejus Vita.

Porro, sicut quilibet virtus tres habet gradus, quorum primus est: propositum, quo homo firmiter proponit virtutem capessere et opere exequi; secundus, fortitudo, ut omnes tentationes, adversitates, impedimenta, quae in executione virtutis occurrunt, fortiter superet et constanter transcendat; tertius, alacritas, ut alacritas haec faciat illaque appetat, et in iis gaudeat, exulset et triumphet: sic pariter humilitatis primus gradus est seipsum suique villitatem agnoscere; ideoque se despiciere; secundus, fortiter ferre sui con-

temptum undecumque veniat; tertius, in eo gaudere et exultare.

Exemplum memorabile recenset B. Petrus Damianus, Epist. 43 (in alia editione 36). Quidam ait, clericus auidax et bellicosus, suo fastu et armis magnus evasit, ideoque de praediis quibusdam litem habuit: a alio viro potente, quem prelio decidere stultus, utrimque ergo cohortes in aciem deducuntur. Clericus ante praelium adiens templum, audiensque Missam, cum legeretur: « Qui se exaltaverit, humiliabitur, » etc., insolenter dixit, imo blasphemavit: « Haec sententia falsa est in me: si enim ego me humiliassem, nunquam tam magnus evasissem. » Mox inito prelio, cum equus ejus situbundus ad aquam vicinam ipso invito procuraret, ipseque scutum in equum impingeret, ut illum in aciem revocaret, ecce ibi gladius hostilis os ejus blasphemum fulminis more transfixit, eumque occidit, ut superbum humiliaret et sterneret, veramque esse Christi sententiam ostenderet.

13. VAE AUTEM VOBIS, SCRIBAE ET PHARISAEI HYPOCRITAE, QUIA CLAUDITIS REGNUM COELORUM ANTE HOMINES: VOS ENIM NON INTRATIS, NEC INTROEUNTES SINITIS INTRARE.

Nota: Sicut Christus octo consignavit beatitudines, quasi totidem plurum benedictiones, octies repetens in beatis, dicensque: « Beati pauperes spiritu, beati viues, beati qui lugent, » etc., Matth. v; sic vice versa hic octo assignat impiorum Scribarum maledictiones, octiesque repetit in vobis. Imitator Christus legislator novus Mosem legislatorem veterem, qui benedictiones plurimas servantibus legem promittit, actotidem maledictiones eam non servantibus intentat, Deuter. xxvii, 42. Ita Origenes.

Porro, in vae Christi partim est praedicens, ut vult Origenes, grave supplicium sceleribus Scribarum imminens; partim condolentis et commiserantis. Unde Basilium, citatus in Catena, Luc. xi, 52: « Haec vox vae, ait, quae intolerabilibus profertur doloribus, eis convenit, quia paulo post de tradendi erunt in grave supplicium, » puta in mortem et excidium, tum praesens, tum futurum in gehenna. Vae ergo praesupponit culpam mortalem; illi enim intentat minas aeternae damnationis et gehennae, uti Christus explicat, vers. 33.

QUIA CLAUDITIS REGNUM COELORUM ANTE HOMINES. — q. d. Ego jam aperio singulis regnum caelorum, praedico enim: « Penitentiam agite, appropinquavit enim regnum caelorum; » quia hoc per Ade peccatum quatuor millibus annorum clausum. ego morte mea expians Ade peccatum, jam aperiam, ut qui in me credit, etiamque vitam sequitur, illud quasi apertum ingrediatur: quare multi Iudeorum praedicatione mea excitati, illud ingredi satagunt. Vos vero, o Scribae, illos avertitis, celumque eis clauditis, tum per vanas et perversas traditiones vestras, quibus illos imbutis; nam, ut ait S. Chrysostomus, regnum co-

lorum est S. Scriptura, vel beatitudo ad quam illa ducit; janua est intellectus S. Scripturae, vel Christus; clavicularii sunt Scribae et sacerdotes; clavis est verbum scientiae; apertio est ejus interpretatio: tum quia vestris sceleribus eos scandalizatis, vestroque exemplo in eadem ipsos trahitis; tum denique quia me calumniando et persequendo, ipsos a me meaque fide, quae via est ad caelum, abstrahitis; ego enim sum ostium, quia per me solum ingressus patet in caelum, Joan. x, 9. Tropologicè Origenes: « Claudunt, inquit, regnum caelorum, qui sine ratione aliquid excommunicant. »

VOS ENIM NON INTRATIS, NEC INTROEUNTES SINITIS INTRARE. — q. d. Non sufficit vobis vestra malitia et damnatio, sed in eandem quoque alios pertrahere satagitis. Hoc est, ave est scelus. Si enim doctoris (quales erant Scribae) est errantes revocare, ait S. Chrysostomus, qui ad salutem tendentes in errorem inducti, is perditus omnino atque pestifer, imo ipsa pestis est; quare doctor tot gehennas sibi sibi accessit, quot animas corumpit et perdit, quia non est doctor et promotor salutis, sed proditor, inquit S. Chrysostomus.

14. VAE VOBIS, SCRIBAE ET PHARISAEI HYPOCRITAE, QUIA COMEDITIS DOMOS VIDUARUM, ORATIONES LONGAS ORANTES: PROPTER HOC AMPLIUS ACCIPIETIS JUDICIUM. — q. d. Vae vobis, Scribae, quia comeditis, et, ut Syrus, exceditis, id est exhaustis substantiam viduarum, dum ab eis emungitis pecunias, vendendo scilicet eis cum sanctitatis simulatione longas publicasque vestras orationes; hoc est enim quod explicans subdit: « Longas orationes orantes; » Graece, μακρὰν παρακλητικὴν ὀρασην, id est protractam longam orationem, id est prolixam quod prolixo ore. Unde Marcus habet, « obtentu longae orationis; » Arabicus, ob causam longitudinis orationum vestrarum. Ita S. Chrysostomus, Jansenius et alii.

VIDUARUM. — Viduae enim, ait Chrysostomus, cum careant marito quasi consiliario, facilius decipiuntur; et prioris sunt ad sua largiendum hypoeritis sanctitatem praesentibus et promittentibus.

PROPTER HOC AMPLIUS ACCIPIETIS JUDICIUM, — hoc est, majorem condemnationem. Unde Syrus vertit, habituri estis iudicium superiorem; tum quia pauperes viduas expilatis; tum quia simulatis sanctitatem, cum sitis scelerati; tum quia, ut ait Chrysostomus, « avaritiam religionis colore depingitis, ut ametur iniquitas, dum pietas existimatur; » tum quia viduas vestris erroribus et sceleribus imbutis; quocirca debitis poenam proprii peccati, et aliene ignorantiae reatum, ait S. Hilarius.

15. VAE VOBIS, SCRIBAE ET PHARISAEI HYPOCRITAE, QUIA CIRCUTIS MARE ET ARIDAM, UT FACIATIS UNUM PROSELYTUM; ET CUM FUERIT FACTUS, FACIIS EUM FILIUM GEHENNAE DUPLO QUAM VOS. — Pro « hypo-

nunc per me et Apostolos, « congregare » in sinum meum, et ad unum Deum unamque ejus fidem et cultum reducere, « filios tuos, » id est cives tuos in varios errores dispersos et in gehennæ pericula sese precipitantes: « Nihil enim ad se dispersit ut peccatum, et nihil ita ad Deum aggregat sicut virtus, » ait Theophylactus. « Quemadmodum gallina congregat pullos suos, » in diversa vacantibus, « sub alis » ut eos foveat, calefaciat et à malis defendat.

Comparat Christus re summæ amorem, providentiam et sollicitudinem salvandi Judæos gallinæ pullos sub alis fovendi: *Primo*, quia gallinæ præ avis avibus ferventi amore diligunt pullos suos, et eximiam circa eos habent providentiam et protectionem, ait Chrysostomus: hinc assidue gallina gemit et clacitat, ut etiam pullos non videas, matrem tamen ex voce et singultu agnoscas; quæ passeret, hirundines, ciconias caeterasque aves non agnoscas esse matres, nisi dum pullis in nido incubant. Sic Christus summo amore dilexit nos, « factus ipsemet tandem quasi terrena et domestica avis, » ait S. Hilarius, assidue per omnem vitam pro nobis sollicitus, docens, dolens et gemens, ut nos salvaret.

Secundo, nec passeret, nec turdi, nec anatæ, nec alia aves sic infirmantur cum pullis suis, sicut gallina, in qua « rauescit vox, » ait S. Augustinus in *Psal. LVIII*, fithispidium totum corpus demittuntur alæ, laxantur plumæ, et vides circa pullos nescio quid egrotum, et ea est materna charitas, quæ invenitur infirmitas, » etc. Sic Christus « congregavit omnes gentes, tanquam gallina pullos suos, qui infirmatus est propter nos, accipiens carnem a nobis, id est a genere humano, crucifixus, contemptus, alapis cæsus, flagellatus, ligno cuspensus, lancea vulneratus. Ergo hoc maternæ infirmitatis est, non amissæ majestatis, ut ex eo quod nobiscum communicavit infirmitatem, solveret nostram iniquitatem. »

Tertio, idem S. Augustinus, in *Psal. XC*, ad illa: « Et sub alis ejus sperabis; » et ex S. Augustino fusus Aldrovandus, in *Gallina*: « Si gallina, ait, protegit pullos suos sub alis, quanto magis tu sub alis Dei tutus eris, et adversus diabolum et angelos ejus, quæ aeræ potestates, tanquam accipitres circumvolitant, ut infirmum pullum auferant! etc. Erit enim nobis tanquam gallina protegens pullos suos; non est enim injuriosum nomen gallinæ. Nulla sic avis infirmatur cum pullis suis, quomodo gallina. Attendat charitas vestra: hirundines, passeret et ciconias videmus extra nidos suos. Nec cognoscimus utrum fetus habeant: et gallinam cognoscimus in infirmitate vocis et in relaxatione plumarum, tota mutat a fetu pullorum; quia illi infirmi sunt, infirmam sese facit. Quia ergo et nos infirmi eramus, infirmam se fecit sapientia Dei, quia Verbum caro factum est, et habitavit in nobis, ut sub alis ejus speremus. »

Quarto, gallina voce fracta, quassa, lasa et languida, per omnia accommodat se parvulus suis. Sic et Christus. « Ovum ergo nostrum, id est spem nostram sub alis illius gallinæ ponamus, » ait S. Augustinus, serm. 29 *De Verbis Domini secundum Lucam*. « Vere enim languores nostros ipse tulit, et peccata nostra ipse portavit, » *Isai. LII*.

Quinto, Græce hic est *gallina*. quæ vox, et avem in genere, et gallinam in specie significat: aptius tamen Noster veritè *gallina* quam avis. Nam, ut ait S. Augustinus, « Mirus est amor omnibus fere avibus ad fovendos et protegendos pullos, sed præcipue gallinæ, quæ pullos colligunt sub alas, id est summo cum desiderio et sollicitudine eos fovet. »

Sexto, gallina cum ramo rutæ sub alis, hieroglyphicum est securitatis, ait Pierius, et ex eo Aldrovandus; siquidem Afranctus, in iis que de re agraria Constantinus Cæsar colligi mandavit, ait gallinam a fele tutas fore, si rutæ sylvestris ramusculas sub ejus alam applicet. Quin Democritus etiam tradit eo præsidio munitis, neque a vulpibus, neque ab infesto quopiam alio animali contingi. Hanc securitatem imo longe majorem sens præstat Christus.

Septimo, gallina symbolum est fecunditatis. Ipsa enim sæpe quotidie ovum parit, et aliquando gemina singulis diebus, atque ex uno ovo subinde duos pullos excludit. Quid fecundius Christo?

Rursus gallus et gallina sunt symbolum vigilantia et custodia. Quid vigilantius Christo? Hæc Aldrovandus in *Gallina*.

Tropologicè: gallina est Ecclesia ejusque sacerdotes; nam, ut ait Auctor *Imperfecti*, « Sicut gallina habens pullos, vocando illos non cessat, ut assidua voce vagositate corrigat pullorum: sic et sacerdotes in doctrina cessare non debent, ut studio et assiduitate doctrinarum suarum, negligentiam populi errantis emendent. Et quemadmodum gallina habens pullos, non solum suos calefacit, sed etiam cujusque volatilis filios exclusos a se diligit quasi filios suos; ita et Ecclesia, non solum Christianos suos studet vocare, sed sive Gentiles, sive Judæi, si suppositi illi fuerint, omnes fidei suæ calore vivificant, et in baptismo regenerant, et in sermone nutrit, et materna diligit charitate. »

Octavo, exstat emblemata gallinæ, cum lemmate: « Nil Christo triste recepto, » estque hoc:

Bruma fremet atræ, pennas gallina reliquit,
Frigus ut a matris pelleret, atque oblit.
Hinc, Medea ferox, hinc, Progne, dicite: nempe hæc
Bis vitam pullos præbuit, ac moritur.

Nono, gallinam ejusque ova esse medica, ac valere ad sistendam menstrua, ad fetum mortuum ex utero educendum, ad ignem sacrum, ad scabiem, ad fistulas, ad dolores oculorum, ad podagram, ad ambusta aliosque morbos docet

idem Aldrovandus. Sic medicus animarum et infirmitatum omnium efficacissimus est Christus.

Decimo, gallina, cum de se agitur, sibi que soli a milvo, fele vel cane metuil, fugit; si vero pulvis metuat, illos sub alas colligens, vindicare ab injuria omni ope nititur, et supra quam vires patiuntur, sæpe alis, rostro, pedibus totoque corpore dimicat. Ita Oppianus, lib. III *De Venat.* Sic Christus pro nobis contra diabolum et peccatum usque ad mortem, et mortem crucis, certavit.

Et noluit, — quia Prophetas et me intersecino odio ad mortem persequeris, nec permittis civis tuos ad me et Deum suum converti. Maxime enim Scribas et magistratos alloquitor uti dixi.

38. ECCE RELINQUETUR VOBIS DOMUS VESTRA DESERTA. — « Domus, » id est templum, ait S. Hieronymus et Theophylactus, aut potius urbes Jerusalem, et tota regio, puta Judæa, in penam tante ingratitude et tot scelerum excenditur et desolabitur a Deo per Titum et Romanos, ut ipsa fiat « deserta, » et ut talis relinquatur deseraturque, tum a suis incolis et civibus, tum a Deo, tum a me meoque patrocinio, ait S. Chrysostomus: nam hoc ultimum innuit particula rationalis « enim, » quæ sequitur vers. seq. Alludit ad illud, *Jerem. XII, 7*: « Reliqui domum meam, dimisi hereditatem meam. » Jerusalem enim derelicta a Deo, facta est synagoga Satanae, ideoque præda aquilæ Romane, puta Iudi et Vespasiani, qui Judæos partim occiderent, partim captivos abduxerant, partim per totum orbem disperserunt.

39. DICO ENIM (Lucas: « dico autem; » in Scriptura enim sæpe *enim* et *autem* inter se commutantur) **VOBIS: NON ME VIDEBITIS AMODO** (ex hoc tempore) **DOMUS DICATIS: BENEDICTUS QUI VENIT IN NOMINE DOMINI.** — Tè « enim » probat id quod dixit, *q. d.* Dixi quod « relinquatur domus vestra deserta » a me, et consequenter a Deo Patre meo, quia in penam vestrae incredulitatis, quæ me docentem et miracula patrantem agnoscere noluitis quasi Messiam, ego me a vobis subdequam in celum, ut me amplius non sitis visuri in terra usque ad diem judicii, quo ego vestram incredulitatem condemnabo. Nonnulli hunc versum accipiunt de solemnibus Christi ingressu in Jerusalem, cum in die Palmarum Judæi ei acclamarent: « Hosanna, benedictus qui venit in nomine Domini. » Verum id dici nequit: jam

enim ingressus ille præterierit, ut patet cap. XXI, 4 et seq. Hæc enim dicta sunt a Christo post Dominicam Palmarum, tribus diebus ante suam mortem et crucem, scilicet die martis post Dominicam Palmarum, uti dixi in Chronoloxi. Ita passim Patros et interpretes.

Dico ergo, *primo*, loqui Christum de uno mundi et die judicii, *q. d.*, venit S. Chrysostomus, Theophylactus, Euthymius et S. Augustinus, lib. II *De Consensu Evarij*, cap. LXXV: Vos, o Scribas, qui assidue mihi contradicitis et calumniamini me non esse Messiam et Dei Filium, sed in Beelzebub ejicere demonia, « non me videbitis amodo, » id est post breve hoc tempus paucosque dies, quibus in hac carne usque ad mortem meam vobiscum versabor (quia ingrati et indigni estis mea doctrina, gratia, salute), usque ad diem judicii, quando vel invitì cogemini me Messiam Dei Filium judicemque vestrum omniumque hominum agnoscere, ac « Hosanna, » quod jam in pueris et turribus subsannastis, cap. XXI, vers. 16, si non ore, certe animo et mente invitì dicetis: tunc enim videbitis me fuisse et esse benedictum illum, qui venit in nomine Domini, scilicet qui fuit missus a Deo Patre, ad redimendum et salvandum omnes homines; tunc me ut talem colere, revereri et adorare debebitis. Tunc enim, ait Glossa, confitebuntur Dei Filium, quem nunc crucifixerunt.

Potest, *secundo*, hic locus accipi de Judæis, qui in fine mundi per Ellam ad Christum convertuntur, ideoque Christum paulo post ad judicium venturum agnoscent ut Messiam, a Domino benedictum, *q. d.* Vos, o Judæi, non vultis me agnoscere ut Messiam atque ut pseudomessiam persequimini usque ad necem et erorem; at filii et posterì vestri me ut talem in fine mundi agnoscent et colent, ideoque illos mea gratia gloria donabo, vos vero ad gehennam condemnabo, quæ insignis erit mea laus, decus et gloria, vestrum vero dedecus, probrum et exitium sempiternum. Hoc enim stimulo pungit dura et incredula Judæorum corda. Prædictum id fuit ab Osæ, cap. III, 4 et seq., quo hic alludit Christus, ait enim: « Quia dies multos sedebunt filii Israel sine rege, et sine principe, et sine sacrificio, et sine altari, et sine ephod, et sine theraphim; et post hæc revertentur filii Israel, et quærent Dominum Deum suum, et David regem suum, et pavebunt ad Dominum, et ad bonum ejus in novissimo dierum. » Vide ibi dicta.